

36.

D. D.  
DISSERTATIO BOTANICO-MEDICA,  
IN QUA  
**FUNGUS**  
**MELITENSIS,**

CUM  
CONSENS. EXPERIENT. FACULT. MED.  
IN ALMO UPSAL. LYCÆO,  
PRÆSIDE,  
VIRO NOBILISSIMO ET EXPERIENTISSIMO  
**DN. DOCT. CAROLO**  
**LINNÆO,**  
EQUIT. DE STELLA POLARI, ARCHIATR.  
REG. MED. ET BOTAN. PROFESS. ACAD. UPS. HOL-  
MENS. PETROPOL. BEROL. IMPERIAL. LONDIN.  
MONSPEL. TOLOS. FLORENT. SOCIO,  
PUBLICÆ VENTILATIONI PROPONITUR

<sup>a</sup>  
**JOHANNE PFEIFFER,**  
HOLMENS.  
ALUMNO REGIO.  
IN AUD. CAROL. MAJ. D. XX. DEC. A. MDCCLV.  
H. A. M. S.

---

UPSALIAE, Excid. L. M. HÖJER, Reg. Acad. Typogr.

SÆ RÆ M:TIS  
SUMMÆ FIDEI VIRO,  
Regis Regnique Svio-Gothici  
**SENATORI,**  
Regiorum Ordinum  
**EQUITI**  
ET  
**COMMENDATORI,**  
*Illusterrimo atque Excellentissimo*  
COMITI ac DOMINO,  
**DN. CLAUDIO**  
**STROMBERG,**  
*MÆGENATI INDULGENTISSIMO.*

**V**erecunda. Mente.  
Timidoque, Gresu.  
Ad. Tua.  
**VIR. EXCELLENTISSIME.**  
Juve-

Juvenilis. Mea. Musa. Prorepit.  
Pulvinaria.

Plantam. Offerens.

Vile. Admodum. Munus.

Sed. Vero. Animadvertis.

Pietate. Non. Pretio.

Divos. Commoveri.

In. Te. Quidem.

HEROUM. ILLUSTRISSIME.

Aviti. Stemmati. Decus.

Summi. Muneris. Splendorem.

Aulæ. Et. Curiæ. Insignia.

Sed. Et. His. Majora.

Admiratur.

Virtutem. Atque Scientiam.

Quarum. Illa. Comem.

Hæc. Comitem.

Fecerunt.

TU. Vero. MÆCENAS. EXCELLENTISSIME.

Quem. Universis. Aditum. Præbes,

Mihi. Uni. Ne. Deneges.

Sunt. Quas. Tacere. Vetat. Religio.

Aliæ. Multæ. Adorandi. TE. Causæ.

Gratiam. Loquor.

Præsidium. Beneficia.

In. Paternam. Domum.

Colla.

Collata.

Æmula. Ergo. Meorum. Studia.

In. TE. UNO. Impense. Prædicando.

Qua. Possum. Ratione. Ut. Imiter.

Hanc. Chartulam.

Statuæ. Perennaturæ.

Nisi. Exilitas. Prohibeat.

Vicem. Subituram.

TIBI. Consecrare.

Volui. Debui.

*ILLUSTRISSIMI ATQUE EXCELLENTISSIMI  
NOMINIS TUI,*

*cultor devotissimus,  
JOHAN. PFEIFFER.*



## I. N. J. C.

### §. I.



X tanta , quantam alma Natura liberaliter nobis concessit VEGETABILIUM copiam , non omnes simul & semel , sed sensim , tam ratione multitudinis , quam specialis earum structuræ indolisque , detectas fuisse deprehendimus . Prius quod attinet , aliæ reperiuntur plantæ , quæ per totam Europam sponte crescunt , & a Tornoa Romam usque diffusæ sunt v.g. Alsine media ; aliæ vel summa cacumina , vel valles rotortas , vel etiam radices montium Alpicorum Riphæorumque amant : aliæ vicissitudines frigoris & caloris , umbrasque veris nocturnas , vel solis flamas diurnas , nunquam patiuntur , sic Rubus arcticus , Norlandensibus & Canadensibus persimilis , vix ac ne vix quidem fert clima Upsaliense , multo minus illarum regionum , quæ magis austrum spectant ; aliæ nec calorem urentem æstatis , nec frigus intensum hyemis tolerant , utpote Oliva ; aliæ demum loca potissimum occupant paludosa v. g. Rubus Chamæmorus ,

A

morus ,

*morus*, *Andromeda polifolia*, *Helonias*, *Aletris*, *Sarracena*, &c. quarum culturam hortensem nondum rite dicerunt Botanici. Posterius vero si respexeris, omnino fatendum est, minimas plerumque plantas perspicacissimis Botanicorum oculis diutius sese subduxisse, quales sunt *Montia fontana*, *Queria hispanica*, *Minuartia dichotoma*, *campestris* & *montana*, *Lœflingia hispanica*, *Centunculus minimus*, *Tillæa aquatica* & *muscosa*, *Lysimachia Lignum stellatum* & quæ sunt reliqua.

Quædam vero difficilius a se invicem internoscuntur, propter majorem quam referant similitudinem. Hinc omni oculorum acie opus est ad distingvendum Gramina, Filices, Muscos, Algas, Fungos, quorum in numerum referre licet plantam *Cynomorium dictam*, quippe quæ cum ultimis allatis maximam habet conformitatem.

## § II.

Plantarum quædam PARASITICÆ dicuntur, quia vix nisi una cum aliis plantis radicant, quibus quasi insertæ atque insititiæ succum sui nutrimenti ex hoc ipsorum stamine adscititio aptum & præparatum hauriunt, quibus plantandis, & ad fructificationem perducendis, Botanicis omnis movendus est lapis. Dividuntur vero hæ in tres potissimum phalanges: Prima est earum, quæ radices suas eorticibus aliorum fruticum infigunt, & repentes, quo cunque loco id fieri possit, easdem habent intertextas, succumque, hirudinis instar, totius plantæ eliciunt. Huc referuntur: *Hedera helix*, *Rhus radicans*, *Bignonia radicans*, *Cacti scandentes*, *Epidendrum Vanilla*, *Pothos scandens*, *Cuscuta europaea*, *Cassytha filiformis* &c. Secundi ordinis sunt, quæ radice penitus carentes, unicum tantum locum arborum occupant, & rami aut traducis instar, cum ipso arbore unum totum efficiunt, veluti: *Viscum album*, *rubrum*, *purpureum*, *Opuntioides*, *verticilla-*

*ticillatum, Tillandsia, Renalnia, Aplonium nidus & variae Filices Indicæ, Lichenesque Europæi.* Tertia denique classis Parasiticas terrestres comprehendit, quæ non nisi aliarum radicibus se inserunt, & quamvis id habent commune cum reliquis plantis, quod e gremio terræ erumpere videantur, nihilo tamen minus non progerimant, sed omni carent vigore, nisi in quantum cum aliarum radicibus cohærent adunatae sub terra, quæ affixas succo quam maxime sibi convenienti nutriunt, ut *Mono-troda hypopithys & uniflora* e radicibus Pini crescentes, *Ajorum Hypocistis* e radicibus Cisti oriunda, *Orobanche* e radicibus Pisi aut aliorum fruticum erumpens, *Cyno-morium* & qua partem *Lathraea clandestina & Squamaria*. Magna harum pars, præsertim earum, quæ tertio posuimus loco, id sibi habent singulare, quod foliis omnino careant, & si forte rudimenta foliorum appareant, ut plurimum colorata sunt, uti a Botanicis nuncupantur, non viridia, veluti reliquarum folia, sine dubio a Sapien-tissimo Creatore ita instructæ, quod sub umbra arborum ortum ducant, nec in aprico sint positæ. Par quoque est ratio plantarum in cellariis eductarum, vel quæ lumine diei quavis alia ratione destituantur, nimirum quod nullam foliorum viriditatem præ se ferant. Plantæ vero foliis viridibus instructæ, si loco quodam clauso, aut vi-ridiario obscuro fuerint inclusæ, folia amittunt & prorsus nudæ evadunt; hinc *Hypocistis, Hypopithys, Oro-banche, Squamaria, Anblatum, Cynomorium*, maximam Botanicis movent admirationem, quod non uti reliquæ plantæ, viridibus instruantur foliis.

## §. III.

Tot inter plantas recentiori ævo detectas & admira-tione dignas, CYNOMORIUM unica fere fuit, cuius perspicacior contemplatio, ad investigandam & descri-

bendam structuram ejus singularem atque virtutem, attentiorem me fecit; structura enim a reliquis gaudet diversissima, utpote quæ imaginem Fungi potius habet expressam, quam herbæ, ad quam tamen omni jure referri debet. Colorem habet, quoad omnes partes, rubicundum & sanguineum, qualis nunquam penes reliquas vidi plantas; virtutem ultimo si respiciendum, maximum efficacissimumque in Machaonica arte porrigit pharmacon, licet ad hunc usque diem in Pharmacopoliis nostris nondum visa, & quam plurimis Medicis nostris practicis adhuc ignota sit. Gratum itaque pariter ac operæ pretium duco, si tyrocinium quoddam medicum prima vice in lucem editurus, in gratiam Medicorum, maximumque ægrotantium commodum, plantæ hujus descriptionem memoriae vestræ L. B. ut ita dicam, refusci-taverim, præsertim cum penuria librorum Botanicorum rariorum laborent plerique, quibus tamen carere nunquam potest Medicus, qui completam hujus plantæ sibi acquirere cupit notitiam. Evidem fateor librum hujus argumenti, a Michelio \*) editum, mihi quoque deesse, Italicò idiomate conscriptum, cuius, omni licet diligentia adhibita, non compotem me fieri potuisse doleo, nescius an in Patriam unquam fuerit invectus. Hujus vero defectum supplere conabor, exacte colligendo ea, quæ nobis reliqui Auctores hac de planta tradiderunt, & censoræ sistam specimina a Præfecto Insulæ Melitenfis cum Nob.

\*) P. A. MICHELII Relazione dell' erba detta dà botanici Orobanche, e volgarmente fusciamèle, fiamma, e mal d' occhio, che da molti anni, in qua si è sopramodo propagata quasi per tutta la Toscana; nella quale si dimostra qual sia la vera origine di detta erba, perché danneggi i legumi, e il modo di estirparla. Firenze, per li Tartini. 1723, in 8:vo.

N. D. PRÆSIDE, & Hujus iterum indultu mecum communicata.

### §. IV.

#### SYNONYMA.

Ut dilucida primum gaudemus hujus plantæ notitia, Synonyma inquirenda & colligenda sunt, quorum ope hanc ab aliis facilius distingvere possumus.

Notantur vero imprimis sequentia:

CYNOMORIUM coccineum. *Spec. plantar.* pag. 970.

*Cynomorium purpureum officin.* *Mich. gen.* 17. *tab.* 12.

*Fungus mauritanicus verrucosus ruber.* *Petiv. gaz.* 60. *tab.* 39. *fig.* 8.

*Fungus typhoides coccineus tuberosus melitensis.* *Bocc. mus.* 2. *pag* 69 *tab.* 56.

*Fungus typhoides coccineus.* *Dol. pharmac.* 64.

*Fungus typhoides liburnensis.* *Till. pis.* 64. *tab.* 25. *Bocc. physic.* 56 *tab.* 4.

*Fungus melitensis.* *Mat. med.* 534. *A&T. Bononiens.* I. *pag.* 158.

*Melitenibus* Heeritz tal General.

*Mauritanis* Turtooths Bargasham.

*Trapanenibus* Sanguinaria.

### §. V.

#### GENUS.

Quo clarior plantarum evaderet cognitio, Botanicis maxima fuit cura, distinctam uniuscujusque plantæ notam characteristicam sibi acquirere, quam partium fructificationis universalium descriptione affecuti sunt. Est vero fructificatio nihil aliud, quam planta interna sponte se pandens, & papilionis instar, larvam sive pupam, intra cuius cancellos inclusa fuit, sese exuens & perfectam demum atque nudam, in speciei sui multiplicationem, sese ostendit.

ostendens. Interna hæc unius cujusque structura eadem est, qua plantæ non tantum optime a se invicem dignoscuntur, sed & proximam earum formam, affinitatem, proprietatesque demonstrat. MICHELIIUS in Generibus Plantarum pag. 17. tab. 12. primus fuit, qui plantæ hujus fructificationem exactius perscrutatus est, & exinde distinctum formavit genus. Verba Auctoris hæc sunt: *CYNOMORION* est plantæ secundariæ, aut parasiticæ genus, quemadmodum in libello nostro de Orobanche Florentiæ anno 1720. in lucem edito tradidimus, quod aliarum stirpium radicibus innascitur, & alitur, ut *Anblatum*, *Clandestina*, *Hypopithys*, *Orobanche* & similia; initio squamis densissimis tectum, postea dum incrementum acquirit, & ad magnitudinem suam pervenit, squamarum agmina inter se paullatim dilatantur, foliolis intra squamarum spatum creberrime vestitum, inter quas emergunt flores monopetali, anomali, vomeris aut cunei turbinati forma, ex una parte cavi, altera vero convexi, stamine crassiori, apice biventri instructi, sed steriles, & calyce carentes. Embryo vero ab eisdem floribus vix se junctus, tuba donatus, & foliis plantæ, tamquam calyce obvolutus, abitque deinde in subrotundum semen.

N. D. PRÆSES hac Michelii descriptione & figura nixus, in Generibus Plantarum Lugd. Batav. 1737, vel editione prima N:o 702. suum sistit characterem, ita expositum:  
**CYNOMORIUM.** Mich. 12.

\* *Masculini* flores in amentum cum femineis digesti.

**CAL.** Amentum erectum, undique imbricatum, compositum  
*Squamis* unifloris, oblongis, erectis, truncatis, inferne  
 angustatis, hinc gibbis, inde cavis.

**COR.** nulla.

**STAM.** Filamentum unicum, firmum, rectum, squama  
 calycina longius. *Anthera* didyma.

\* *Femi-*

\* Feminini flosculi masculinis mixti, in eadem plan-  
ta, vixque ab iis remoti.

CAL. Amentum commune cum masculis.

Flosculi squamula nulla excepti, præterquam a foliis  
plantæ, vices squamæ gerentibus.

COR. nulla.

PIST. Germen globosum. Stylus unicus, erectus, firmus,  
patens, longitudine squamæ calycinæ. Stigma obtusum.

FER. nullum.

SEM. unicum, subrotundum.

Postquam vero N. D. PRÆSES plantam acceperat  
exsiccatam, aqua tepida calefecit illam, qua emollita mol-  
lis ac succosa evasit, & tanquam nuper nata, hinc dete-  
git, Michelium in ea describenda, ad minimas partes  
haud attentum fuisse, quare etiam N. D. PRÆSES in ul-  
tima Generum Plantarum editione, sive quinta, sub N:o  
922, eundem characterem sequenti modo emendavit.

CYNOMORIUM. Mich. 12. †

\* MASCULI flores in amentum cum femineis  
digesti.

CAL. Amentum erectum, clavatum, undique tectum  
flosculis. Perianthium proprium tetraphyllum : Fo-  
liolis tribus clavatis ; quarto inferiore majore, ob-  
tusissimo, canaliculato.

COR. nulla.

STAM. Filamentum unicum, firmum, rectum, squama  
calycina longius. Anthera didyma.

\* FEMINEI flosculi masculis mixti, in eadem plan-  
ta, vixque ab iis remoti.

CAL. Amentum commune cum masculis. Perianthia pro-  
pria foliolis quatuor, clavatis, tuberculatis, germi-  
ni insidentibus, æqualibus, persistentibus.

COR. nulla.

PIST. Germen ovatum, sub perianthio. Stylus unicus,  
erectus,

erectus, firmus, patens, longitudine squamæ calycinæ. *Stigma obtusum.*

PER. nullum.

SEM. unicum subrotundum.

Obs. Vidi etiam flosculos hermaphroditos monandros, reliquis immixtos.

Quo Auctores Botanici characteres genericos eo faciliter determinarent, cuicunque generi propria imposuerunt nomina, quam ob causam Michelius hanc quoque plantam CYNOMORION dixit, ut ipse refert a Canis genitalis similitudine, quia plantæ figura penem canis qualiter cunque referat.

Unica tantum species hujus generis nobis adhuc cognita est, vanum itaque duximus, differentiam quandom adferre specificam. Evidem novi *Tillium* in horto Pisano hæsitasse, annon inter plantas ad inferiora Europæ & superiora Africæ crescentes, plures generis hujus species existerent, cuius rei asserti eo minus subscribo, quo certius mihi perswasum est, unam eandemque plantam, secundum varias ætates, valde mutari, adeo ut in prima ætate caulis in totum squamulis tegatur, quas demum, maturecente fructu, ad ipsam usque spicam coarctat & sèpe dejicit. Epitheton illud τὸ *Coccineum* plantæ huic, ut *nomen* *Triviale*, in Speciebus plantarum attribuitur, certe, ob ruborem totius plantæ, præter id, quod recens adhuc violenter pressa succum reddat sanguineum. *Fungus Melitensis*, ut nomen ejus Pharmaceuticum forte adoptari possit, *fungus* tamen non est, licet a Botanicis, qui primi eam perspexerunt, hocce nomine insignita fuit, quod nomen ab omnibus Botanices parum gnatris, communiter est receptum. Præterea in genere notandum est, nomina Pharmacopæorum, licet alienissima, valere ut nummi, ex consensu dantis & accipientis.

S. VI.  
DESCRIPTIO.

RADIX fere nulla, sed caulis quasi immediate radicibus aliarum plantarum infixus, interdum juxta basin exserens aliquot fibrillas simplicissimas, quemadmodum bulbosa nonnullae supra bulbum.

CAULIS communiter semipedalis est, erectus, solidiusculus, tenax, crassitie digitus, & cum adhuc junior squamis ovatis, acutis, imbricatis, albis tectus, quas circa florescentiam maximam partem exuit, deponit aut contrahit, ut fere nudis sit, rugosus, inæqualis & totus, postquam exsiccatus, purpureus, quas tamen sub terra retinet. Ceterum simplicissimus est caulis, seu scapus & ramis omnibus destitutus.

SPICA caulem terminat, saepe longitudine ipsius caulis, sed crassitie dupla ex bracteis seu squamis ovatis, purpureis, densissime imbricatis, in quarum sanguineo flosculi sessiles haerent. Structura ut in charactere dicta. In Actis Bononiensibus sat adæquatam plantæ hujus descriptionem habemus: In altitudinem surgit palmarem, pediculus crassitie uncium unam æquat, longitudine tres, quatuorve; capitulum vero paullo crassius est, ut minoris typhæ palustris clavam videatur referre. Ubi ad maturitatem venit, innumerabilibus granis, panico similibus & coccinei coloris adspersum est, at si digitis prematur, sanguineus fere succus exstillat.

RAJUS descriptionem suam' e BOCCONE de plantis Siculis desunt tam sic profert: Palmaris est altitudinis, interdum major, fungum nondum explicato capituli disco plane referens. Pediculus uncialis est crassitudinis, tres aut quatuor uncias longus, seaber, fungosus; capitulum etiam ipsum fungosum, pediculo paullo crassius, minoris typhæ palustris clavam aliquatenus repræsentans, quod dum viret, si digitis premas, veluti sanguineum succum fundit.

Per maturitatem granis minimis innumeris exasperatur, undique cocci colore splendentibus. Æstatis munus est, aliis tempestatibus temere & frustra quæsieris. Folia tenacissima primo nascenti adesse, atque maritimis fluctibus continue irrigari dicuntur.

FIGURAM a Michelio desumimus, qui optimam & ad vivam plantam delineavit.

### S. VII.

### LOCUS.

Locus vel Patria teste TILLIO non procul distat a littoribus maris mediterranei, inventa quoque est in oris Mauritaniae, super radices Lentisci, Myrti, aliorumque fruticum, & suffruticum parasitica. In Sicilia ut Drepani, per Lampedosam atque Melitensem insulam, specialiter in scopulo adjacentem, vulgo Scoglio del generale, etiam provenit, ubi super Halimum, seu Portulacam marinam C. B.; Nunc vero circa portum Labronis, sive Liburni, super radicem Cali, sive vermicularis marinæ arborescens J. B., fuit detectum in valetudinario veteris aggere ad meridiem, in prospectu pontis nuncupati, il pante delle due Scale, in quo ad palmarem, sesquipalmarem, quandoque vero ad cubitalem altitudinem, inter Novembrem, & Martium menses crescit, ibique decidente semine se propagat. Ceterum in Insula Melitensi observata fuit planta a Boccione, nec non in Drepani & Lampidose insulis, ac in regno Tunetano, eandem etiam e Mauritania habuit Petiverus. Anno 1719 in littore Liburnensi, & deinde in Hetruriæ maritimis prope Pisatum, non procul a valetudinario observatus est. At vero BOCCONUS refert quod primum credebatur Melitæ propria planta, sed quod postea fuerit lecta in insula Favignana, ad salinas Traparii, & in insula Ronciglio,

ut & Tuneti, imprimis in locis maritimis aqua salsa irroratis, ubi germinat Decembri, aut Januario, floret Aprili, aut Majo, maturescit demum Julio, substantia carnosa Fungis terrestribus duriore alba, sed exsiccatione coccinea; Adsportatur facillime ex insula Ronzillo ubi copiosissime crescit.

Nobilissimus Dn. Corvinus nostras, Capitaneus classis navalis, ante annum e Melita redux, & qui plantam secum adduxerat ad N. D. PRÆSIDEM, fidem nobis fecit, quod unico tantum loco in insula Melitæ adhuc crescat, & quod Praefectus hujus insulæ eandem militibus custodiendam curet, ne adeo præstans pharmacum ibidem penitus eradicetur & extirpetur, quod Magnatibus muneri offerre solet. Nulli dubitamus, quin Medici, quibus salus generis humani curæ cordique est, hanc plantam sint conservaturi, non solum per totam Italiam, ubi sponte crescit, sed etiam per alia loca radicibus aptis dilata ferant, ut non solum ipsis, in usum medicum, ejus sat sufficiens sit copia, sed etiam ut quam primum eam, ad diffitissimas usque regiones transvectam gaudeamus.

### §. VIII.

### QUALITATES.

Planta hæcce succum non solum continet rubicundum, verum etiam quanta quanta rubra est, si exficeatur & pulverisetur, *saporis stiptici* \*) esse sentitur. Præterea nullum ex ea persensi odorem, unde concludo, eam non in nervos, sed in fibras, massamque sanguineam agere,

---

\*) *Saporis amaricantis stiptici*, lingvam adstringentis cum austoritate mutilaginosa. Bocc. mus.

## §. IX.

et alii supra viciuntur sicut in antiquis, ita et in  
 syro, oīsuāl ius, indecūdū viciū idū, sicut  
 dīmūdū, oīlū mūmēb V. I. S.  
**Plantæ RUBICUNDÆ**, ut *Radix tormentillæ*, *San-*  
*guis draconis*, *Catechu*, *Rumex Jangvineus*, *Bacca*  
*Rhois*, acidum plerumque continent, quod terrestri ab-  
 sorptum, vertitur in austernum, quare etiam a Medicis  
 in variis PROFLUVIIS SANGVINIS communiter adhi-  
 bentur, quarum tamen omnium nulla adhuc detectarum,  
 ad profluvia sedanda, majorem sibi palmam arripuit.  
 Ad confirmandam singularem ejus virtutem in Hæmor-  
 thagia, Dysenteria, variisque profluviis sangvineis, pul-  
 veris ʒj in vino rubro assumto, id adferre necessarium  
 duxi, quod *Bocce de plantis* Sic. p. 82. de ea refert, quod  
 scilicet adstringat maxime, unde ei præcipua laus in co-  
 hibendis sanguinis proflviis, cuius gratia Melitenses ex  
 Gaula insula illius in pulverem soluti scrupulum aut am-  
 plius vino vel juscule dilutum haoriant, ducta a majo-  
 ribus hac nunquam fallente medicina. Quod ulterius  
 idem *Bocconius in Museo* pag. 69. diffuso dicendi genere  
 explicat, e quo primaria libabimus:

## .23TA §. X. AUQ

U S U S.

Hanc herbam refert *Bocco* in Regno Tunetano contra  
**DYSENTERIAM** expertissimum esse medicamentum,  
 cuius mentio inter primos facta fuit a J. Fr. *Habela de*  
*Melita*, sed paucis; J. *Labafii* & J. *Ferrantes* as-  
 severarunt Syrupum hujus fungi ad Uncj e melita Syracu-  
 sam allatum, aut pulveris ʒj Dysenterias specifica facul-  
 tate sustulisse, J. *Zammit* ejusque Discipuli Fungum  
 summae efficacie in Dysenteria vix ac ne vix unquam  
 fallente experimento deprædicarunt.

In

In ulceribus CACHOËTICIS pulverem magnopere commendat.

In SCELOTYRBE fluentibus gingivis pulverem dentifricium ex hoc fungo cum saccharo, moscho, ambra, summis extollit laudibus.

In VOMITU CRUENTO pulveris drachmas tres, in tres partes æquales divisi, & in aqua assutti, nobilissinam uti Medicinam, depraedicat Bocco.

Feminæ gravissima HÆMORRHAGIA UTERI laboranti, dedit unum fere in pulverem contritum fungum, quem munificentia Serenissimæ Reginæ habuit Nobilissimus Archiater D. D. ABR. BÆCK, Regii Collegii Med. Præses, idque summo cum successu, ut ex literis Ejus ad D. PRÆSIDEM datis, 1755, XI didici.

6

Observatio STANCARII de hac planta notatu dignissima ex Actis Bononiensibus Tom. I. pag. 158. desumpta, sequentia continet: *Multa remedia ad suppressendum sanguinem, si qua parte ejus profluvium fiat, a medicis, vel antiquis, vel recentioribus proponuntur, in quibus illustria sunt opiate, alumen, vitriolum.* Commendabantur etiam in eundem finem, & piscis eiusdem ossa, quem Hispani piscem mulierem vocant, e Brasilia advecta, & item ossa Hippopotami, & aqua Londinensis nescio quæ. Sed haec quidem vel nihil posse adversus profluvia sanguinis, vel parum in iis Præsidio esse Renbedius animadvertis. Accessit ad haec Fungus melitensis quidam, quem, quantum scio, præter Paullum Bocconem graphice descripsit nemo, is eum thyphoidem coccineum melitensem nominat. Fungum hunc contra profluvia sanguinis valere plurimum melitenses putant; quare si quando sanguinem fistere opus habent, continuo hujus fungi pulverem vino, aut iuscule dilutum hauriunt, idque se a majoribus suis aceperisse ferunt. Eodem

doc

hoc fungo non ita pridem Bononienses medici uti ceperunt,  
 cum adhuc Academia in Marsiliis aedibus celebrantur, cum  
 que usus, atque experimenta opinioni sic responderent, ut  
 facile hoc unum remedium ceteris omnibus sanguinem sup-  
 primentibus anteponeretur, res digna Joanni Antonio Stan-  
 cario visa est, quam suo studio, atque industria illustraret,  
 ne homines opportunissimo remedio minus doce, ut adhuc  
 faciebant, in posterum uterentur. Cum ergo his, quæ san-  
 guinem suppressum, illud fere commune sit, ut intus sumi  
 (sumere autem intus saepe oportet; quippe causa, propter  
 quam sanguis profluit, saepe interior est) sine noxa vix pos-  
 fint, propterea quod profluvium, nisi mutata sanguinis cra-  
 si, prohibere nequeunt; habet autem haec mutatio pericu-  
 lum; idcirco illa ex supprimentibus omnibus tutissima cen-  
 senda sunt, quæ minime omnium crasis sanguinis mutant,  
 & profluvium prohibeant nihilominus. Constituit ergo Stan-  
 carius de præstantissimis quibusque supprimentibus, vitriolo,  
 alumine, melitensi fungo, aliisque periculum facere, ac  
 videre quam mutationem, alterationemque singula effice-  
 rent in sanguine e vena recens extracto; quidquid enim in  
 hoc fecissent, simile aliquid etiam in sanguine per venas  
 excurrente, si intus sumerentur, factura esse existimat.  
 Scimus Medicos ad hujusmodi conjecturas proclives esse. Ita-  
 que vasa paravit quinque vitrea, quorum singula unam san-  
 guinis unciam capere possent. In unum fungi melitensis pul-  
 verem conjecit semidrachmam; in alterum vitriolum, in  
 tertium alumen, in quartum alumen, & vitriolum simul,  
 in quintum denique lemen hyoscyami, & papaveris, & paul-  
 lum opii. Cumque ægro tertiana simplici laboranti inter-  
 missionis die sanguis forte mitteretur, singula deinceps va-  
 scula venæ sectæ subjicit, ut labentem sanguinem excipe-  
 rent, eoque implerentur. His repletis, reliquum extracti  
 sanguinis in sexto quodam vase est adservatum eo consilio,  
 ut ex hujus cum ceteris comparatione, quo in sanguine mi-

nor mutatio secuta esset, appareret; quæ de causa vaseu-  
la omnia seorsum, & quieto in loco sunt posita, observa-  
toque, quo serosa pars sanguinis ab ea, quæ concrescere  
solet, melius, commodiisque separata esset, in sequentem  
diem rejecta. Quamquam res ipsa in opiatis antevertit;  
nam quo in vaseulo opiate posita erant, in eo statim magna  
vis sanguinis a sero secreta est, cum contra in aliis conglu-  
tinari potius sanguis, & concrescere vijus sit. Verum se-  
quenti die Heraclito Manfredio, & Beccario ad observa-  
tionem accersitis, hæc Stanarius animadvertisit.

In eo vaseulo, in quo opiate inclusa fuerant, vis seri  
apparuit a sanguine secreta, non solum ranta, quantam  
supra dixi, sed multo major; eaque pene tota in gelatinam  
concreverat instar Cornu Cervi, vel etiam concreti illius,  
quod in sanguine illorum, qui pleuritide affecti sunt, solet  
observari, nam & color ad flavum, quamquam obscurius  
vergebat, & constitutio ad polyposam fere accedebat, &  
superficies universa quadam quasi membrana obducta erat,  
quæ cultri anatomici vel acutissime aciem posset fugere.  
Quæ omnia eo diligentius animadvertenda sunt, quod non  
solum opiatorum in sanguine effecta demonstrant, sed etiam  
quid de illo concreto iudicandum sit, quod in sanguine pleu-  
riticorum observatur. In eo vaseulo, in quo vitriolum si-  
mul, & alumen sanguini admixta erant, is in crassamen-  
tum concreverat non admodum durum, & sine ulla seri se-  
paratione. In tota superiori faeie colorum præ se fere ru-  
brum ferebat, præterquam ea in parte, ad quam pulveres  
seje extulerant, ubi livida, duriorque concretio instar  
escharæ apparebat; idemque in fundo observabatur, ubi  
pulveres maximam partem considerant, quo in fundo licet  
sanguis non admodum durus esset, obscurus tamen totus  
erat, grumosusque. Atque hæc quidem alumen, &  
vitriolum conjunctim effecerant; separatim alia præstiterunt;  
namque in eo vase, in quod alumen solum conjectum fue-  
rat,


rat, maxima seri vis a crassamento secreta, & crassamentum ipsum obscurum, & durissimum est observatum. In eo vero, in quo vitriolum tantum repositum fuerat, modica seri portio secreta est, crassamentum quasi distractum, dissipumque, & in quamplurimos grumos divisum, quorum non pauci escharæ, quam supradiximus, præ se concretionem ferebant. In eo vasculo, in quo pulvis melitensis fungi continebatur, nihil novi accidit, quod in sanguine e vena missa accidere non oportet. Medicum erat serum, non nihil flaveiens, crassamentum consistentiae mediocris, color vero ab ore vasis usque ad imum sic rutilus, & purpureus, ut hoc certe nomine videretur hic sanguis illi anteponendus, qui in sexto vase sine ulla pulveris admixtione fuerat conservatus, qui que (nisi quod paullo minus seri secretum fuerat, quam e sanguine sano secerni solet) sic tere se habebat, quemadmodum si sanus fuisset.

Hæc omnia profecto ostendunt magnam in sanguine cum ex opiatibus, tum ex alumine, vitriolo mutationem sequi, ideoque his assumptis periculum subesse aliquod; ac si parem afferret melitensis fungus mutationem, par sane metus esset in omnibus, sed quando illa mutationem afferrunt maximam, hic vero vel nullam, vel ferme nullam, minime dubitandum est, quin sit hic unus ceteris omnibus anteponendus. Hunc enim inter alia tutissimum esse, & existens ipse declarat, & ratio ab experimentis ducta confirmat.

Ex dictis & allatis observatorum testimoniosis sequitur, quod nulla planta, nulla Medicina, in hunc usque diem detecta magis laudabilem præstiterit effectum, quam hic fungus in variis Morbis evacuatoriis sanguineis, qua propter omni jure dignum censemus specificum officinis nostris medicis, ut frequentius in usum trahatur ad conservationem generis humani.

## T A N T U M.





A. Åkerman Sculpsit.

